



SAOPŠTENJE ZA JAVNOST

Zatražen pritvor za osumnjičenog G.G. zbog osnovane sumnje u izvršenje krivičnog djela „Lihvarstvo“

(Brčko, 27.03.2025. godine)

Tužilaštvo Brčko distrikta BiH podnijelo je prijedlog za određivanje pritvora za lice G.G. (34)* iz Brčko distrikta BiH, zbog postojanja osnova sumnje da je izvršio krivično djelo "Lihvarstvo" iz člana 292. stav (3) u vezi sa stavom (2) Krivičnog zakona Brčko distrikta BiH.

Podsjetimo, Policija Brčko distrikta BiH je, dana 25.03.2025.godine, pod nadzorom Tužilaštva Brčko distrikta BiH uspješno sprovedla akciju kodnog naziva „KEŠ“ u okviru koje je izvršen pretres jednog lica, jednog putničkog motornog vozila, te stambenog objekata koje je koristilo lice G.G. (34)* iz Brčko distrikta BiH. U toku pretresa pronađeni su i privremeno oduzeti predmeti za koje postoji osnov sumnje da potiču iz pomenutog krivičnog djela, a radi se o novcu u iznosu od 321.825,00 KM i 4.850,00 EUR u različitim apoenima, sredstvima komunikacije i dokumentaciji koja se može dovesti u vezu s počinjenjem istog krivičnog djela. Nakon kriminalističke obrade, slobode su lišena 3 (tri) lica inicijala: G.G.(34)*, S.G. (63)* i B.G. (39)*.

Nakon izvršenog saslušanja lica lišenih slobode, Tužilaštvo Brčko distrikt BiH je Osnovnom sudu Brčko distrikta BiH podnijelo prijedlog za određivanje pritvora za lice G.G. (34)* iz Brčko distrikta BiH, zbog postojanja pritvorskih razloga iz člana 132 stav 1) tačka b) i c) Krivičnog zakona Brčko distrikta BiH odnosno zbog postojanja opravdane bojazani da će osumnjičeni ometati krivični postupak uticajem na svjedoke, kao i zbog postojanja opravdane bojazni da bi puštanjem na slobodu osumnjičeno lice moglo ponoviti krivično djelo ili dovršiti pokušano krivično djelo za koje se može izreći kazna zatvora 3 (tri) godine ili teža.

U skladu sa zakonskim propisima, Osnovni sud Brčko distrikta BiH je dužan u roku od 24 sata održati ročište na kome će odlučiti o predloženom pritvoru.

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**